



REPUBLIKA E KOSOVËS
REPUBLIC OF KOSOVO
REPUBLIKA KOSOVO

KOMUNA E KLINËS
MUNICIPALITY OF KLINA
OPŠTINA KLINA



www.komuna-klina.org

KUENDI I KOMUNËS NË KLINË

DRAFT-PLOTËSIM-NDRYSHIM TË RREGULLORËS

PËR

**ORGANIZIMIN DHE BASHKËPUNIMIN E KOMUNËS ME FSHATRAT, VENDBANIMET
DHE LAGJET URBANE NË TERRITORIN E KOMUNËS SË KLINËS**

Klinë, Mars, 2020

Duke u mbeshtetur në nenin 12 paragrafi 12.2 (nen c), dhe nenit 40 paragrafi 40.2 (nen a), dhe e te Ligjit për vetëqeverisje Lokale nr.03/L-40,nenit 40 paragrafi 40.2 nen piken (1 dhe 5) të statutit te Komunë së Klinës mars/2010,me propozimin e kryesuesit të Kuvendit të Komunës për ndryshim dhe plotësim të Rregullorës për organizimin, funksionimin dhe bashkpunimin e Komunave me Fshatra,vendbanime dhe Lagje Urbane/2015-sipas Udhëzimit Administrativ (MAPL) Nr.02/2019 Kuvendi i Komunës së Klinës në seancene VII-të të rregullt të mbajtur me 26.07.2019,mori vendim për inicimin e procedurës për Draft-plotësim-ndryshim të rregullorës.

DRAFT-PLOTËSIM-NDRYSHIM TË RREGULLORËS PËR

ORGANIZIMIN DHE BASHKPUNIMIN E KOMUNËS ME FSHATRAT, VENDBANIMET DHE LAGJET URBANE NË TERRITORIN E KOMUNËS SË KLINËS

I.DISPOZITAT E PËRGJITHËSHME

Neni 1

Qëllimi i rregullorës

Kjo rregullore ka për qëllim të rregullojë organizimin dhe bashkpunimin e komunës me fshatrat, Vendbanimet dhe Lagjet Urbane në territorin e Komunës, në ushtrimin e aktiviteteve që janë ekzskluzivisht në kompetencë vetanake te Komunave,të percaktuara në bazë të Ligjit për vetëqeverisjen Lokale.

Neni 2

Fushëveprimi

Kjo rregullore rregullon mënyrënyrën e organizimit dhe bashkpunimit midis Komunës,Fshatrave,Vendbanimeve dhe Lagjeve Urbane duke formuar Këshillat Lokal si trupa mbështetës të organeve të Komunës,dhe që ndikojnë në konsultime gjithëpërfshirëse,të cilat promovojnë dhe zhvillojnë transparencën,llogaridhëniën dhe pjesëmarrjen e qytetarëve në proceset e vendimmartjes demokratike Komunale.

Neni 3

Përkufizimet

Shprehjet e përdorura në këtë rregullore kanë këtë kuptim- perkufizim,nderkaqë që më për se afërmi sqarohën edhe ligjet e veqanta përkatëse:

Qytetari: Ka kuptimin e paraqitur në dispozitat përktëse të Ligjit në fuqi për Shtetësinë e Kosovës.

Komunë: Do të thotë njësia themelore e vtëqeverisjës Lokale në Kosovë e përbër nga qytetaret e komuniteteve me nje teritor të caktuar me Ligjin për Vetëqeverisje Lokale dhe ligjin tjtër në fuqi.

Kuvendi i Komunës: Është organi më i lartë përfaqësues, legjislativ (në kuptim të nxerrjes dhe miratimit të rregullativës Komunale), si dhe organ vendimmarrës i Komunës që përbëhet prej anëtarve të zgjedhur nga zgjedhjet e drjt për drejta Komunale.

Kretari i Komunës : Është organi më i lartë udhëheqës, përfaqësues, egzekutiv dhe politik i Komunës që zgjedhet përmes zgjedhjeve të drejtëpërdrejta Komunale.

Fshat : Nënkupton vendbanimin e qytetarëve në viset rurale i caktuar dhe emruar në bazë të pelqimit paraprak të qytetarve, Vendimit të Kuvendit të Komunës e mbi bazë të urdheresës përkatëse administrative dhe ligjit përkatës në fuqi.

Vendbanimi : Është vendi në të cilin qytetari vendoset me qëllim që të jeto përgjithmonë, apo perkufizimit tjetër që rregullohet me Ligjin në fuqi për vendbanimin dhe vendqendrimin.

Vendqëndrimi : Është vendi në të cilin qytetari qëndron përkohësisht për shkak të punës, shkollimit apo arsye të tjera, mirpo në të nuk ka përqellim të jetoj përgjithmonë, apo perkufizimit tjetër që rregullohet me Ligjet në fuqi për vendbanimin dhe Vendqendrimin.

Lagje Urbane : Nënkupton vendbanimet përktëse të organizuara në kuptim të kritereve që përcaktojnë Lagjen urbane dhe në pajtim me vendbanimin e Kuvendit të Komunës për themelimin e tyre.

Keshilli Lokal : Trup mbështetës i organeve të Komunës dhe formë e bashkëpunimit në mes të Komunës në njerën anë dhe fshatrave, Vendbanimeve dhe lagjeve Urbane në anen tjetër, që perfaqësohen nga këshilli me qëllim konsultimi gjithëpërfshirës dhe promovimi të transparencës, llogaridhënjes si dhe pjesëmarrjes së qytetareve në proqeset e vendimmarrjes demokratike Komunale.

Bashësia Familjare : Është grup individesh të afërm më njeri tjetrin me lidhje gjaku, matrtesë, lidhje bashkëjetese apo adoptim që deklarojnë, se jetojnë së bashku dhe se bashku shfrytëzojnë të ardhurat për plotësimin e nevojave themelore jetësore ,apo perkufizimit tjetër që rregullohet me Ligjin në fuqi për vendbanimin si dhe Ligjin në fuqi për Familjen.

II.DISPOZITAT THEMELORE

Neni 4

Numri i fshatrave, Vendbanimeve dhe Lagjeve Urbane të Komunës

1. Për të realizuar sa ma mirë funksionet dhe përgjegjësitë e parapara me ligjin për vetëqeverisjen Lokale, Komuna e Klinës do të mbështes zgjedhjen e këshillave lokale të Fshatrave, Vendbanimeve dhe lagjeve Urbane dhe kryetaret e Këshillave Lokal
2. Numri i këshillave lokale të Fshatrave, Vendbanimeve dhe lagjeve Urbane janë të parapara në dispozitën e nenit 12 të statutit të Komunës dhe udhëzimit administrativ (MAPL) Nr.02/2019
3. Në pamundësi që në qdo fshat, vendbanim dhe lagje urbane të zgjedhen këshillat lokale, atehere një këshill mund të përfshijë një e më tepër Fshatra Vendbanime apo Lagje Urbane.

Neni 5

Formimi i komisionit nga Kuvendi i Komunës për zgjedhjen e këshillave lokal

1. Kuvëndi emron një Komision për të udhëhequr dhe koordinuar punën në teren në zgjedhjen e këshillave lokale.
2. Komisioni duhet të ketë shtatë(7) anëtarë,perbërja duhet të jetë Kater(4) anëtar nga Kuvendi i Komunës nga subjekte te ndryshme politike,një(1) anëtar nga egzekutivi,një(1) nga shoqëria civile dhe një(1) një perfaqësues nga fshati,vendbanimi apo lagja urbane nga lokaliteti ku bëhet zgjedhja e këshillit lokal.
3. Komisioni i emruar nga Kuvendi i Komunës është prgjegjës per caktimin e periudhës kohore te mbajtjes së tubimeve të qytetarëve,për zgjedhjen e anëtarve të këshillave lokale dhe kryetarëve të këshillave lokale të fshatrave,vendbanimeve dhe lagjeve urbane.Komisioni dotë reflektoj përfaqësim gjinor dhe etnik.
4. Komisioni raporton para kuvendit të Komunës për procesin zgjedhor,mandati i komisionit është i lidhur me mandatin e Kuvendit të Komunës.

Neni 6

Informi i Qytetarëve

- 1.Komisioni i emëruar nga Kuvendi i Komunës,nepermjet Zyrës për informim,informon qytetarët 15 ditë para datës së mbajtjes së tubimit të qytetarëve për zgjedhjen e këshillave lokale,permes:
 - 1.1. Shpalljeve publike të vendosura në objektet publike dhe vendet ma të frekuentuara mbrenda territorit ku mbahen tubimet për zgjedhjen e këshillave lokale.
 - 1.2. Mediave lokale
 - 1.3. Web-faqes zyrtare të Komunës.
2. Njoftimi i publikut domosdo duhet të përmbajë:
 - 2.1. Rendin e ditës
 - 2.2. Datën.
 - 2.3.Kohën, dhe
 - 2.4.V endin e mbajtjes së tubimit me qytetaret.

Neni 7

Formimi i Këshillave lokale dhe kriteret e përzgjedhjes

1. Këshilli lokal i fshatit,vendbanimit apo lagjes urbane mund të ketë prej pesë(5) deri në nëntë(9) anëtarë.
Numri i sakt i anëtarëve per secilin këshilli lokal percaktohet nga vet banorët e fshatit,vendbanimit apo lagjes urbane që janë prezent në tubimin zgjedhor.
2. Përbërja e këshillave lokale të fshatit duhet të reflektojë përbërjen etnike dhe gjinore.
Përfaqësimi gjinor duhet të përfshijë minimumin 30%.ne rast se në fshat,vendbanim apo lagje urbane,jetojnë pjesëtarë të Komuniteteve jo shumicë,duhen të jenë të përfaqësuar në këshillin lokal.

3. Tubimet e qytetarëve i udhëheq një perfaqëses i fshatit i zgjedhur nga shumica e pjesëmarrësve në tubimin zgjedhor.
4. Fshatrat, vendbanimet dhe lagjet urbane të Komunës zgjedhin anëtarët e këshillit lokal, me rastin e tubimit të qytetarëve, që mbledh të gjithë banorët e interesuar të fshatit, vendbanimit apo lagjes urbane.

Neni 8

Menyra e zgjedhjes së anëtarëve të Këshillit Lokal

1. Zgjedhja mund të bëhet përmes votimit të fshehtë apo votimit të hapur në tubimin e qytetarëve, votimi i fshehtë mund të propozohet nga çdo qytetar që merr pjesë në tubim nëse perkrahët nga 1/3 e pjesëmarrësve që marrin pjesë në tubim.
2. Kandidatët për anëtarë të këshillave lokale duhet të jenë qytetarë të përhershëm në atë lokalitet.
3. Kandidatët për pozita të anëtarëve të këshillit lokal opo kryetarëve të këshillit lokal, duhen të kandidohen si qytetarë e jo në emër të ndonjë subjekti politik.
4. Për anëtarë të këshillave lokale të fshatrave, vendbanimeve apo lagjeve urbane, zgjedhen kandidatët të cilët fitojnë numrin më të madh të votave nga numri i përgjithshëm i banorëve të fshatit, vendbanimit apo lagjes urbane që janë prezent në tubimin zgjedhor.
5. Në procesin e zgjedhjeve, të drejtë pjesëmarrje kanë të gjithë qytetarët votues të ligjshëm.

Neni 9

Zgjedhja e kryetarit të këshillit lokal

1. Kryetari i këshillit lokal zgjedhet në mes të anëtarëve të këshillit lokal të fshatit, vendbanimit apo lagjes urbane i cili fiton shumicën e votave të qytetarëve që marrin pjesë në atë tubim, nëse në rrethin e parë të votimit as njëri nga kandidatët nuk ka fituar shumicën e votave atëherë organizohet rrethi i dytë i votimit dhe kandidati që merr më shumë vota zgjedhet për kryetar të këshillit lokal.
2. Anëtarët dhe kryetarë e këshillave lokale të fshatit, vendbanimit apo lagjes urbane, zgjedhen me mandat katër(4) vjeçar.
3. Komisioni i Komunës duhet të jetë prezent në të gjitha tubimet zgjedhore që organizohen për zgjedhjen e këshillave lokale.

Neni 10

Ndërprerja dhe pushimi i mandatit të Kryetarëve dhe anëtarëve të këshillave lokale

1. Në rastet kur qytetarët konsiderojnë që anëtarët ose kryetari i këshillit lokal nuk i kanë përbushë obligimet që dalin nga kjo rregullore, anëtarët dhe kryetari i këshillit lokal mund të shkarkohen sipas procedurës së zgjedhjes, me shumicë të votave të banorëve të fshatit, vendbanimit apo lagjes urbane me rastin e tubimit publik me qytetarët.

2. Në mënyrë që të bëhet ky votim,kerkohet një peticion për ndërprerjen e mandatit që duhet të nënshkruhet nga banorët e fshatit,vendbanimit apo lagjes urbane.Ky peticion duhet të mbledh nënshkrimet e më shumë se gjysma e numrit të pjesëmarrësve nga takimi nga takimi ku është zgjedhur këshilli lokal.
3. Në rast kur këshilli lokal shkarkohet sipas procedurave në paragrafin dy(2),nje votim i ri duhet të organizohet brenda tridhjet(30) ditësh nga komisioni komunal për zgjedhjen e kryetarit të ri.
4. Mandati i kryetarëve dhe këshillve lokale perfundon:
 - 4.1.Me kryerjen e mandatit
 - 4.2.Nese jep dorëheqje
 - 4.3.Nese shkarkohet
 - 4.4.Nease nderron vendbanimin
 - 4.5.Në rast denimit për vepra penale me një urdher për burgim për gjashtë(6) Muaj ose më tepër
 - 4.6.Nese vdes.

Neni 11

Proces verbali nga tubimi zgjedhor

1. Procesverbali i hartuar nga tubimi i qytetarëve,duhet të përshruaj: numrin e qytetarëve që kanë marrë pjesë në tubim,të dhënat për zgjedhjen e anëtarëve dhe kryetarëve të këshillave lokale,procedurat e votimit dhe çështje të tjera të adresuara në takim.
2. Procesverbalin e nënshkruan kryesusi i tubimit,anëtarët e komisionit dhe procesmbajtësi,ndesa komisioni i përcaktuar sipas nenit pesë(5) të kësaj rregulloreje i raporton Kuvendit të Komunës për rrjedhën e tubimeve,për zgjedhjen e këshillave lokale të fshatit,vendbanimit apo lagjes urbane.
3. Rezultatet e zgjedhjeve,emrat e anëtarëve,kryetarit të këshillit lokal duhet të behen publike menjëherë pas tubimit zgjedhor.

Neni 12

Bashkëpunimi i Komunës me Këshilla Lokale

1. Bashkëpunimi i Komunës me këshilla lokale bëhet për çështjet që janë në kompetencë të Komunës si:
 - 1.1 Planifikimi urban dhe rural
 - 1.2 Furnizimi me ujë,rregullimi i kanalizimit,drenazhimin
 - 1.3 Shëndetësin publike
 - 1.4 Mbrojtjen lokale të ambientit
 - 1.5 Turizmin
 - 1.6 Hapësirave publike dhe varrezave

1.7 Aktiviteteve kulturore dhe sportive etj.

2. Marrëveshja e bashkëpunimit të Komunës me fshatrat, vendbanimet dhe lagjet urbane, duhet të përmbajë së paku keto elemente:

2.1 Objektin e marrëveshjes

2.2 Kohëzgjatjen

2.3 Përshkrimin e obligimeve për palët

2.4 Dinamikën e realizimit të punëve

2.5 Koston financiare

3. Objekti i marrëveshjes nuk mund të jenë përgjegjësitë e kuvendit të Komunës të përcaktuara në nenin 40.2 të ligjit për vetëqeverisjen lokale, marrëveshjet të cilat i lidhin Komuna me këshillat lokale duhet të miratohen nga Drejtoria përkatëse në Komunë.

Neni 13

Konsulltimet ndërmjet Komunës dhe Këshillave Lokale

1. Kryetari i Komunës në bashkëpunim me kryesuesin e Kuvendit ftojnë përfaqësuesit e fshatrave, vendbanimeve dhe lagjeve urbane, që të marrin pjesë në tubimet publike me qytetarë respektivisht me kryetaret e këshillave lokal dy (2) takime në vit.
2. Së paku një (1) anëtar i këshillit lokal të fshatit, vendbanimit apo lagjes urbane duhet të jetë i përfshirë në të gjitha grupet punuese Komunale për planifikim të planeve urbane, zhvillimore dhe rurale që janë pjesë e lokalitetit ku ata jetojnë.
3. Kryetari i Komunës duhet që së paku të organizoj dy (2) takime në vit me udhëheqësit e këshillave lokale. Takimet duhen të mbahen së paku një (1) herë në gjashtë (6) muaj. Për rëndin e ditës duhen të konsultohen edhe udhëheqësit e këshillave lokale.
4. Kuvendi i Komunës mund të kërkojë një opinion nga këshilli lokal i fshatit, vendbanimit apo lagjes urbane, në çështje të caktuara me interes për komunitetin.

Neni 14

Bartja e aktiviteteve nga Komuna të këshillat Lokale

1. Me kërkesën e këshillit lokal dhe rekomandimin e kryetarit të Komunës, ndonjë komiteti të komunës, Kuvendi i komunës me vendim mund të bartë disa përgjegjësi për t'i ushtruar ushtruar këshillat lokal në fshat, vendbanim apo lagje urbane. Aktivitetet që mund të transferohen duhen të jenë në kompetencë ekskluzive vetanake të Komunës.
2. Këshilli lokal i fshatit, vendbanimit dhe lagjes urbane duhet të konsultohen dhe pranojë bartjen e aktiviteteve nga Komuna në këshillin lokal.

3. Në rast të bartjes së aktiviteteve nga komuna në këshillin lokal, komuna ofron mbështetje dhe burime të mjaftueshme për fshatrat, vendbanimet dhe lagjet urbane me qëllim të përmbushjes së përgjegjësisë së bartur.

Neni 15

Roli, detyrat dhe përgjegjësit e këshillave lokale

1. Këshilli lokal i fshatit, vendbanimit apo lagjes urbane mund të takohet në çdo kohë për të shqyrtuar çështjet në interes të lokalitetit si dhe harton dhe miraton planin e punës së këshillit dhe rregullat e brendshme të funksionimit.
2. Këshilli lokal i fshatit, vendbanimit apo lagjes urbane, organizon, percjell dhe planifikon planet dhe programet zhvillimore të lokalitetit, në të gjitha sferat në bashkëpunim me Kuvendin e Komunës, Kryetarin e Komunës, Komitetet dhe Drejtorinë Komunale.
3. Këshilli lokal i fshatit, vendbanimit apo lagjes urbane duhet të informojë Komunën për kohën dhe agjendën e takimeve. Zyrtarët komunal mund të marrin pjesë në takimet e organizuara nga këshillat lokale.
4. Takimet e qytetarëve mund të organizohen me iniciativën e këshillit lokal të fshatit apo lagjes urbane.

Neni 16

Aktivitetet e këshillit lokal

1. Këshilli lokal mund të ndërmarë aktivitete të cilat në veqanti ndikojnë në:
 - 1.1 Zhvillimin lokal ekonomik të qëndrueshëm të lokalitetit;
 - 1.2 Planifikimi urban dhe rural të lokalitetit;
 - 1.3 Mbrojtjen e mjedisit lokal të lokalitetit;
 - 1.4 Ndhomon në rritjen e efikasitetit në ofrimin e shërbimeve publike komunale brenda lokalitetit;
 - 1.5 Siguron të dhënat elementare për çdo familje të lokalitetit, percjell gjendjen e tyre ekonomike, sociale dhe jep rekomandime, propozime për mbashtetje të këtyre rasteve;
 - 1.6 Mirmbajtjen e vorrezave dhe hapësirave publike të gjelbruara;
 - 1.7 Zhvillimin e turizmit;
 - 1.8 Organizimin e aktiviteteve kulturore dhe sportive;
 - 1.9 Bashkëpunimin me organet e Komunës dhe organizata të tjera të shoqërisë civile për çështjet me interes për lokalitetin;
 - 1.10 Organizimin e aksioneve vullnetare në interes për lokalitetin;
 - 1.11 Zbaton aktivitetet që janë të bartura, sipas procedurave në nenin 13 të kësaj rregullore;

2. Këshillat lokale të fshatrave, vendbanimeve dhe lagjeve urbane kanë të drejtë të bashkëpunojnë në mes veti në territorin e komunës përkatëse.
3. Këshillat lokale mund t'i parashirojnë organeve të kuvendit, pyetje me shkrim për çështje të ndryshme në interes të lokalitetit, kurse organet e komunës brenda afatit 30 ditësh i përgjigjen këshillit lokal.

Neni 17

Roli i kryetrëve të këshillave lokale

1. Kryetari i këshillit lokal përfaqëson fshatin, vendbanimin apo lagjen urbane në konsultimet dhe diskutimet me organet e Komunës.
2. Kryetari i këshillit lokal thërret dhe udhëheq me mbledhjet e këshillit lokal dhe kujdeset për organizimin dhe punën e këshillit lokal. Poashtu, ai i nënshkruan konkluzionet dhe propozimet e miratuara nga ana e këshillit lokal dhe është i obliguar që në afat prej 15 ditëve, nga dita e miratimit të tyre, t'i dorëzojë te Kryetari i Komunës.

Neni 18

Kompenzimi i Kryetarëve të këshillave lokale

1. Kompenzimi i Kryetarëve të këshillave lokale të fshatrave, vendbanimeve dhe lagjeve urbane, përcaktohet në bazë të udhëzimit Administrativ (MAPL) Nr.02/2019
 - 1.1. Për punën e tyre kryetarët e këshillave lokale kompenzohen nga buxheti i Komunës përkatëse;
 - 1.2. Kompenzimi për kryetarë të këshillave lokale bëhet në shumën ekuivalente të anëtarëve të Komiteteve;
 - 1.3. Kompenzimi për pjesëmarrje në takime bëhet vetëm për gjashtë (6) takime të këshillit lokal të mbajtura brenda vitit kalendarik;

Neni 19

Financimi i aktiviteteve

1. Financimi i aktiviteteve të këshillave lokale mund të bëhet nga vet banorët e fshatit, vendbanimit apo lagjes urbane, nga Komuna, nga financimi i përbashkët si dhe nga donatorët, në pajtueshmëri të plotë me statutin, rregulloret e Komunale dhe legjislacionin e zbatueshëm në Republikën e Kosovës për menagjimin e financave publike.
2. Këshilli lokal bën raporte gjashtëmujore dhe vjetore të mjeteve të inkasuara, si dhe atyre të shpenzuara, dhe i bën ato transparente për qytetarët e atij lokaliteti si dhe para organeve komunale.

Neni 20

Mospërbushja e përgjegjësi

Për të gjitha aktivitetet e bartura në këshillin lokal nga Kuvendi i Komunës, këshilli lokal i fshatit, vendbanimit dhe lagjes urbane përkatëse mban obligime dhe përgjegjësi ligjore.

III.DISOZITAT KALIMTARE, SHFUQIZUESE DHE PËRFUNDIMTARE

Neni 21

Konkluzioni dhe zbatimi i dispozitave tjera

1. Në rast konflikti të dispozitave të kësaj rregulorje me ligjin për vetqeverisjen Lokakle dhe statutin e Komunës mbizotrojnë dispozitat e LVL-es dhe statutit të Komunës.
2. Në rast të zbrastësirës juridike do të vlejn dispozitat e ligjit përkatës po edhe dispozitat e udhëzimit përkatës administrativ të minisstrisë se linjës deri në plotsimet dhe ndryshimet e kesaj rregulloreje.

Neni 22

Ndryshimet dhe plotësimet e rregullorës

Ndryshimet dhe plotësimet eventuale në këtë rregullore do të bëhen sipas procedurës së njejtë të aprovimit të kësaj rregulloreje.

Neni 23

Hyrja në fuqi e rregullorës

1. Kjo rregullore hyn në fuqi pas aprovimit të Kuvendit Komunal si dhe pas regjistrimit në Zyren e protokollit të ministrisë përgjegjese për vetëqeverisje lokale si dhe publikimet në gjuhet zyrtare në web faqën zyrtare të Komunës,kjo në kuptim të nenit 18 i rregullorës se Qeverisë se Republikës se Kosovës nr.01/2013 dt.24.01.2013 për procedurën e Hartimit dhe Publikimit të akteve Komunale.
2. Pas hyrjes në fuqi të kesaj rregulloreje ,Komuna është e obliguar qe menjëher të filloj me zbatimin e kësaj rregulloreje.

KOMUNA E KLINËS

KUVENDI I KOMUNËS NË KLINË

Klinë,Mars -2020

Kryesuesi,

Fadil Gashi